




# ხაშურის მთაშუა



№4 (255)

4 თებერვალი, სამშაბათი

2020 წელი

## “სოფლის მხარდაჭერის პროგრამის” ფარგლებში, ხაშურის მუნიციპალიტეტის სოფლებში და დასახლებებში მოსახლეობის საერთო კრებები დაიწყო

“სოფლის მხარდაჭერის პროგრამის” ფარგლებში, ხაშურის მუნიციპალიტეტის სოფლებში და დასახლებებში მოსახლეობის საერთო კრებები დაიწყო. მკითხველს შევახსენებთ, რომ წელს, ქვეყნის მასშტაბით, ამ პროგრამის განხორციელებლად 40 მილიონი ლარი გამოიყო. პროგრამა, როგორც სპეციალისტები აღნიშნავენ, წელს უფრო დახვეწილია და ამ ფაქტს ხელი გასულ წელს შერჩეული პროექტების ანალიზმა შეუწყო.

პროგრამა მართლაც უმნიშვნელოვანესია ჩვენი სოფლებისათვის. გასულ წელს, ქვეყნის მასშტაბით სულ 4800 ინფრასტრუქტურული პროექტი განხორციელდა. მხოლოდ შიდა ქართლში, ეს რიცხვი 447-ია. ცენტრალური ბიუჯეტიდან გამოყოფილი თანხის გარდა, გასულ წელს, პროექტების განხორციელებისათვის მუნიციპალიტეტების თანადაფინანსებამ 6 მილიონი ლარი შეადგინა. თანხები კი შემდეგი კატეგორიების მიხედვით გადანაწილდა: გზების რეაბილიტაცია, გარეგანათებისა და სპორტული ინფრასტრუქტურის მოწყობა, წყლის სისტემების გამართვა, სასაფლაოების კეთილმოწყობა და სხვა.

მუნიციპალიტეტის მერის ბრძანებით, შესაბამისმა სამსახურებმა, უკვე დაიწყეს მოსახლეობასთან შეხვედრები. წინასწარ შემუშავებული გრაფიკის მიხედვით, სოფლებში უკვე იმართება მოსახლეობის საერთო კრებები, სადაც მიღებული გადაწყვეტილებები მუშავდება მერიის სამსახურების მიერ, რათა



დანქარდეს საპროექტო წინადადებების შემდგომი განხორციელების პროცესი. მოსახლეობის საერთო კრებაზე მიღებული გადაწყვეტილებები ფორმდება შესაბამისი ოქმით.

გუშინ, სოფელ გომის ზონის მოსახლეობას (გომი, ვაყა, ხიდისთავი, ქვემო აძვისი) მუნიციპალიტეტის მერი და მერიის ეკონომიკური განვითარების სამსახურის ინფრასტრუქტურის განვითარების და კეთილმოწყობის განყოფილების თანამშრომლები შეხვდნენ (სურათზე), სადაც მათ მოისმინეს ადგილობრივების პრობლემები სხვადასხვა ინფრასტრუქტურულ პროექტებთან დაკავშირებით. ასევე შეხვედრები, რომლებშიც მონაწილეობას მერთან ერთად, მერის მოადგილეები, სხვადასხვა სამსახურების ხელმძღვანელი პირები იღებდნენ, გაიმართა ცოცხნარაში, წაბლოვანაში, ცეღანაში, ქინძათში, ალში, ბრილში, ახალუბანში და ცხეთიჯვარში.

მსგავსი შეხვედრები და სოფლის საერთო კრებები აქტიურად გაგრძელდება და მოსახლეობის წინადადებების განხორციელება გაზაფხულის დადგომისთანავე დაიწყება.

## საქართველოს კალათბურთის ფედერაცია:- მადლობა ხაშურს და ხაშურელებს ასეთი საოცარი მასპინძლობისთვის...

არა, ოცნებას არასოდეს უნდა დაანებოთ ადამიანმა თავი. ოცნება მხოლოდ რაღაც კონკრეტული სურვილის შესრულება არაა. ოცნება ის ულამაზესი მზის სხივია, შენს წარმოსახვაში რომ იბადება და თანდათანობით, კიდევ ათასი ასეთი ბრტყეილი სხივების ერთობლიობით მზედ მატერიალიზდება. ამასაც, რომ თავი დავანებოთ, ოცნება, რაღაცნაირად, გაკეთილშობილებს, გათბობს და ერთგვარად, უფალოთ გაახლოვებს.

ოცნებას ვინ დაგვიშლიდა, მაგრამ მასზე, რაც, 29 იანვარს, ხაშურში მოხდა ამ, თუნდაც 4-5 წლის წინ, ფანტაქსტიკაში თუ ჩავთვლიდა ვინმე უბრალოდ წარმოვიდგინოთ: ვთქვათ, 2010 წელი. უცებ, რომელიმე ნაცნობი გეუბნება, რომ ხაშურში ყველა ვარსკვლავის მატჩი გაიმართება კალათბურთში. რა თქმა უნდა, გაგვიღიებოდა და იმ ნაცნობს ბარონ მიუნჰაუზენის კლუბში თუ არ ჩარიცხავდი, მის გონებრივ მდგომარეობას აშკარად სავალალოთა ახლოს მდგომად მაინც განიხილავდი. არადა, ეს, თითქოსდა წარმოუდგენელი ფანტაზიის ნაყოფი რეალობად იქცა და ხაშურმა, 29 იანვარს, ALL STAR-ს უმასპინძლა.

ეს ინფორმაცია, მანამდე, ჯერ კიდევ 8-10 დღით ადრე დაანონსდა. ქალაქს უცებ მოედო ეს ამბავი და პირველ დღეებშივე ერთგვარი დაბნეულობაც კი გამოიწვია. თითქოსდა, დაუჯერებლად უღერდა და ამიტომაც სხვადასხვა წყაროებიდან ცდილობდნენ ინფორმაციის გადამოწმებას. ყველა წყარო კი ადასტურებდა, რომ ეს რეალობა იყო.

ზოგადად, ALL STAR-ების ისტორია, სად თუ არა ამერიკიდან იწყება. ამერიკა ხომ სპორტის ამ ულამაზესი სახეობის სამშობლოა და არცაა გასაკვირი, რომ ყველა ვარსკვლავის შოუ იქ დაიბადა. მთელი ამერიკა და მსოფლიოც, ყოველივე სეზონის ბოლოს, მოუთმენლად ელოდება ამ წარმოდგენას, რომელშიც მონაწილეობა ნებისმიერი კალათბურთელისთვის უპრესტიჟულესია. თავდაპირველად, მხოლოდ მატჩი იმართებოდა, რომელშიც უშუალოდ ფედერაციის მიერ შერჩეული მოთამაშეები იღებდნენ მონაწილეობას. შემდეგ კი, როდესაც ციფრული ტექნოლოგიები დაიხვეწა და სოციალური ქსელები გაფართოვდა, უკვე გულშემატკივრები ჩაერთვნენ საქმეში და დღეს NBA-ს ყველა ვარსკვლავის მონაწილეებს მთელი მსოფლიო ირჩევს. როდესაც ამ შოუს სამქულიანებისა და ე.წ. ჩატენჯების კონკურსიც დაემატა, შოუ მართლაც ულამაზესი გახდა და, ფაქტობრივად, არ არსებობს სახელმწიფო, რომელიც, იმ დღეს, პირდაპირ სტელევიზიო რეპორტაჟს თუ არ ახორციელებს, სრულ „დაიჯესტს“ მაინც სთავაზობს გულშემატკივრებს.

კარგი, თავი დავანებოთ ამერიკას და აგერ, ხაშურში გადმოინაცვლოთ. მოდით ჯერ ჩვენი სასპორტო სკოლით დავიწყეთ. ამ ულამაზესმა ნაგებობამ, სადაც მთლიანად ევროპული დონის ინფრასტრუქტურაა, სრულად შეცვალა ჩვენი ქალაქის



(დასასრული VI გვერდზე)

ხაშურის მუნიციპალიტეტის მერია  
მერის ბრძანება #57-პ/შ

28 / იანვარი / 2020 წ.

ხაშურის მუნიციპალიტეტის მერიის პირველადი სტრუქტურული ერთეულის საბიუჯეტო სამსახურის ხელმძღვანელის თანამდებობაზე ლელა მაჭარაშვილის დანიშვნის შესახებ

საქართველოს ორგანული კანონის "ადგილობრივი თვითმმართველობის კოდექსის" 61-ე მუხლის მე-3 პუნქტის „ა“ ქვეპუნქტის და 54-ე მუხლის პირველი პუნქტის „ა.გ“ ქვეპუნქტის, „საჯარო სამსახურის შესახებ“, საქართველოს კანონის 43-ე მუხლის მესამე პუნქტის, ხაშურის მუნიციპალიტეტის საკრებულოს 2017 წლის 4 დეკემბრის 37 და 47 დადგენილებების და ხაშურის მუნიციპალიტეტის ადგილობრივი თვითმმართველობის მოხელეთა საკონკურსო კომისიის 2020 წლის 13 იანვრის 4 მომართვით წარმოდგენილი საკონკურსო კომისიის სხდომის 2020 წლის 13 იანვრის 20 ოქმის შესაბამისად, ვ ბ რ ძ ა ნ ე ბ:

1. ხაშურის მუნიციპალიტეტის მერიის პირველადი სტრუქტურული ერთეულის საბიუჯეტო სამსახურის ხელმძღვანელის თანამდებობაზე 2020 წლის 28 იანვრიდან დაინიშნოს ლელა მაჭარაშვილი, ამასთან, იგი გათავისუფლდეს ხაშურის მუნიციპალიტეტის მერიის საბიუჯეტო სამსახურის მეთრეველი სტრუქტურული ერთეულის ბუღალტრული აღრიცხვა ანგარიშგების განყოფილების ხელმძღვანელის თანამდებობიდან;

2. ბრძანება ეცნობოს: ლელა მაჭარაშვილს;
3. ბრძანება ეცნობოს: ხაშურის მუნიციპალიტეტის მერიის ადმინისტრაციულ და საბიუჯეტო სამსახურებს;
4. ბრძანება ძალაში შედის ხელმოწერისთანავე, შეიძლება გასაჩივრდეს დაინტერესებული პირის მიერ დადგენილი წესით ხაშურ-

ის რაიონულ სასამართლოში (ქ. ხაშური კოსტავას ქ. 15) ერთი თვის ვადაში.

მერი გიორგი გურასპაშვილი



ლელა მაჭარაშვილი დაიბადა 1965 წელს. 1988 წელს წარჩინებით დაამთავრა გორის სასწავლო უნივერსიტეტის საბუღალტრო აღრიცხვისა და სამეურნეო საქმიანობის ფაკულტეტი და მიიღო ბუღალტრ-ეკონომისტის სპეციალობა. 1988-1993 წლებში იყო ხაშურის სახელმწიფო დაზღვევის ინსპექციის მთავარი ბუღალტერი, შემდეგი ორი წელი კი-ამავე ინსპექციის დირექტორი. 2001-2005 წლებში მუშაობდა შპს "საქართველოს ფოსტის" ხაშურის განყოფილებაში მთავარ ბუღალტრად. 2005-2006 წლებში იყო ხაშურის გამგეობის საფინანსო განყოფილების მთავარი ბუღალტერი. 2013-2014 წელს ასრულებდა გამგეობის თანაშემწის მოვალეობას. 2014 წლიდან, დღემდე, იყო მუნიციპალიტეტის მერიის საბიუჯეტო სამსახურის ბუღალტრული აღრიცხვა-ანგარიშგების განყოფილების ხელმძღვანელი.

ჰყავს მეუღლე და ორი შვილი

ხაშურის მუნიციპალიტეტის მერია  
მერის ბრძანება # 54-პ/შ

28 / იანვარი / 2020 წ.

ხაშურის მუნიციპალიტეტის დაბა სურამის ადმინისტრაციულ ერთეულში მერის წარმომადგენლის მეოთხე რანგის მეორე კატეგორიის უმცროსი სპეციალისტის თანამდებობაზე ირაკლი ჩადუნელის დანიშვნის შესახებ

საქართველოს ორგანული კანონის "ადგილობრივი თვითმმართველობის კოდექსის" 61-ე მუხლის მე-3 პუნქტის „ა“ ქვეპუნქტის და 54-ე მუხლის პირველი პუნქტის „ა.დ“ ქვეპუნქტის, „საჯარო სამსახურის შესახებ“, საქართველოს კანონის 43-ე მუხლის მესამე პუნქტის საფუძველზე, ხაშურის მუნიციპალიტეტის საკრებულოს 2017 წლის 4 დეკემბრის 37 და 47 დადგენილებების და ხაშურის მუნიციპალიტეტის ადგილობრივი თვითმმართველობის მოხელეთა საკონკურსო კომისიის 2020 წლის 13 იანვრის 4 მომართვით წარმოდგენილი საკონკურსო კომისიის სხდომის 2020 წლის იანვრის 20 ოქმის შესაბამისად, ვ ბ რ ძ ა ნ ე ბ:

1. ხაშურის მუნიციპალიტეტის დაბა სურამის ადმინისტრაციულ ერთეულში მერის წარმომადგენლის მეოთხე რანგის მეორე კატეგორიის უმცროსი სპეციალისტის თანამდებობაზე, 2020 წლის 28 იანვრიდან დაინიშნოს ირაკლი ჩადუნელი, ამასთან, იგი გათავისუფლდეს ხაშურის მუნიციპალიტეტის მერიის შიდა აუდიტის სამსახურის მესამე რანგის მეორე კატეგორიის უფროსი სპეციალისტის თანამდებობიდან;

2. ბრძანება ეცნობოს: ირაკლი ჩადუნელს;
3. ბრძანება ეცნობოს: ხაშურის მუნიციპალიტეტის მერიის ადმინისტრაციულ, შიდა აუდიტის და საბიუჯეტო სამსახურებს;
4. ბრძანება ძალაში შედის ხელმოწერისთანავე, შეიძლება გასაჩივრდეს

დაინტერესებული პირის მიერ დადგენილი წესით ხაშურის რაიონულ სასამართლოში (ქ. ხაშური კოსტავას ქ. 15) ერთი თვის ვადაში.

მერი გიორგი გურასპაშვილი

ირაკლი ჩადუნელი დაიბადა 1977 წელს. დაამთავრა გორის სასწავლო უნივერსიტეტი (ფინანსები, საბანკო და საგადასახადო საქმე), მიიღო ბაკალავრის ხარისხი. 2003-2005 წლებში მუშაობდა ხაშურის გამგეობის განათლებისა და კულტურის საბიუჯეტო დაწესებულებების ბუღალტერიაში, 2005-2009 წლებში იყო სურამის I საჯარო სკოლის ბუღალტერი, 2014-2015 წლებში კი ხაშურის სკოლამდელი აღზრდის №9 საბავშვო ბაღის ბუღალტერი. 2015 წლიდან დღემდე იყო ხაშურის მუნიციპალიტეტის მერიის შიდა აუდიტის სამსახურის მესამე რანგის მეორე კატეგორიის მთავარი სპეციალისტი.

ჰყავს მეუღლე და სამი შვილი



ხაშურის მუნიციპალიტეტის მერია  
მერის ბრძანება # 56-პ/შ

28 / იანვარი / 2020 წ.

ხაშურის მუნიციპალიტეტის მერიის ადმინისტრაციული სამსახურის მეორადი სტრუქტურული ერთეულის საქმისწარმოების და ადამიანური რესურსების მართვის განყოფილების ხელმძღვანელის თანამდებობაზე ირმა ნოზაძე-ჩადუნელის დანიშვნის შესახებ

საქართველოს ორგანული კანონის "ადგილობრივი თვითმმართველობის კოდექსის" 61-ე მუხლის მე-3 პუნქტის „ა“ ქვეპუნქტის და 54-ე მუხლის პირველი პუნქტის „ა.დ“ ქვეპუნქტის, „საჯარო სამსახურის შესახებ“, საქართველოს კანონის 43-ე მუხლის მესამე პუნქტის საფუძველზე, ხაშურის მუნიციპალიტეტის საკრებულოს 2017 წლის 4 დეკემბრის 37 და 47 დადგენილებების და ხაშურის მუნიციპალიტეტის ადგილობრივი თვითმმართველობის მოხელეთა საკონკურსო კომისიის 2020 წლის 13 იანვრის 4 მომართვით წარმოდგენილი საკონკურსო კომისიის სხდომის 2020 წლის 13 იანვრის 20 ოქმის შესაბამისად, ვ ბ რ ძ ა ნ ე ბ:

1. ხაშურის მუნიციპალიტეტის მერიის ადმინისტრაციული სამსახურის მეორადი სტრუქტურული ერთეულის საქმისწარმოების და ადამიანური რესურსების მართვის განყოფილების ხელმძღვანელის თანამდებობაზე, 2020 წლის 28 იანვრიდან, დაინიშნოს ირმა ნოზაძე-ჩადუნელი, ამასთან, იგი გათავისუფლდეს ხაშურის მუნიციპალიტეტის მერიის ადმინისტრაციული სამსახურის საქმისწარმოების და ადამიანური რესურსების მართვის განყოფილების მესამე რანგის მეორე კატეგორიის უფროსი სპეციალისტის თანამდებობიდან;

2. ბრძანება ეცნობოს: ირმა ნოზაძე-ჩადუნელს;
3. ბრძანება ეცნობოს: ხაშურის მუნიციპალიტეტის მერიის ადმინისტრაციულ და საბიუჯეტო სამსახურებს;
4. ბრძანება ძალაში შედის ხელმოწერისთანავე შეიძლება გასაჩივრდეს დაინტერესებული პირის მიერ დადგენილი წესით ხაშურის

რაიონულ სასამართლოში (ქ. ხაშური კოსტავას ქ. 15) ერთი თვის ვადაში.

მერი გიორგი გურასპაშვილი

ირმა ნოზაძე-ჩადუნელი დაიბადა 1973 წელს. დაამთავრა დამოუკიდებელი უნივერსიტეტის ისტორიის ფაკულტეტი. 2004-2005 წლებში იყო რაიონის გამგეობის საერთო განყოფილების სპეციალისტი (შრომითი ხელშეკრულების საფუძველზე), 2006-2007 წლებში კი - ამავე განყოფილების სპეციალისტი. 2007-2010 წლებში გამგეობის აპარატის სპეციალისტი, 2010-2012 წლებში - მუნიციპალიტეტის გამგეობის ადმინისტრაციული სამსახურის მთავარი სპეციალისტი. 2013-2014 წლებში იგი მუნიციპალიტეტის გამგეობის საქმისწარმოების, ინფორმაციისა და საზოგადოებასთან ურთიერთობის განყოფილების მთავარი სპეციალისტია. ამის შემდეგ - 2017 წლამდე - გამგეობის ადმინისტრაციული სამსახურის საქმისწარმოების განყოფილების მთავარი სპეციალისტის თანამდებობაზეა. 2017-2018 წლებში იყო მუნიციპალიტეტის მერიის საქმისწარმოების განყოფილების მესამე რანგის მეორე კატეგორიის უფროსი სპეციალისტი. 2018 წლიდან კი იყო მერიის საქმისწარმოებისა და ადამიანური რესურსების მართვის განყოფილების მესამე რანგის მეორე კატეგორიის სპეციალისტი.

ჰყავს მეუღლე და ორი შვილი.



### ხაშურის მუნიციპალიტეტის მერია მერის ბრძანება

№ 55-პ/მ 28 / იანვარი / 2020 წ.

ხაშურის მუნიციპალიტეტის მერიის ეკონომიკური განვითარების სამსახურის მეთაური სტრუქტურული ერთეულის მუნიციპალური ქონების აღრიცხვისა და მართვის განყოფილების ხელმძღვანელის თანამდებობაზე ბექა მაისურაძის დანიშვნის შესახებ

საქართველოს ორგანული კანონის "ადგილობრივი თვითმმართველობის კოდექსის" 61-ე მუხლის მე-3 პუნქტის „ა“ ქვეპუნქტის და 54-ე მუხლის პირველი პუნქტის „ა“ ქვეპუნქტის, „საჯარო სამსახურის შესახებ“, საქართველოს კანონის 43-ე მუხლის მესამე პუნქტის საფუძველზე, ხაშურის მუნიციპალიტეტის საკრებულოს 2017 წლის 4 დეკემბრის 37 და 47 დადგენილებების და ხაშურის მუნიციპალიტეტის ადგილობრივი თვითმმართველობის მოხელეთა საკონკურსო კომისიის 2020 წლის 13 იანვრის 4 მომართვით წარმოდგენილი საკონკურსო კომისიის სხდომის 2020 წლის 13 იანვრის 20 ოქმის შესაბამისად,

ვ ბ რ ძ ა ნ ე ბ:

1. ხაშურის მუნიციპალიტეტის მერიის ეკონომიკური განვითარების სამსახურის მეთაური სტრუქტურული ერთეულის მუნიციპალური ქონების აღრიცხვისა და მართვის განყოფილების ხელმძღვანელის თანამდებობაზე, 2020 წლის 28 იანვრიდან, დაინიშნოს ბექა მაისურაძე, ამასთან, იგი გათავისუფლდეს ხაშურის მუნიციპალიტეტის მერიის ადმინისტრაციული სამსახურის მერის წარმომადგენლების საქმიანობის კოორდინაციის განყოფილების მესამე რანგის მეორე კატეგორიის უფროსი სპეციალისტის თანამდებობიდან;

- 2. ბრძანება ეცნობოს: ბექა მაისურაძეს;
- 3. ბრძანება ეცნობოს: ხაშურის მუნიციპალიტეტის მერიის ადმინისტრაციული, ეკონომიკური განვითარების და საბიუჯეტო სამსახურებს;
- 4. ბრძანება ძალაში შედის ხელმოწერისთანავე, შეიძლება გასაჩივრდეს დაინტერესებული პირის მიერ დადგენილი წესით ხაშურის რაიონულ სასამართლოში (ქ. ხაშური კოსტავას ქ. 15) ერთი თვის ვადაში.

მერი გიორგი გურასპაშვილი



ბექა მაისურაძე დაიბადა 1991 წელს. 2013 წელს დაამთავრა საქართველოს ტექნიკური უნივერსიტეტის ბიზნესის ადმინისტრირების ფაკულტეტი. 2010 წელს კი მიიღო მაგისტრის ხარისხი (ბიზნეს-ინჟინერინგი).

2013-2015 წლებში მუშაობდა ხარაგაულის მუნიციპალიტეტის წიფის საჯარო სკოლაში პედაგოგად. 2015 წლიდან დღემდე კი იყო ხაშურის მუნიციპალიტეტის მერიის ადმინისტრაციული სამსახურის მერიის წარმომადგენლობის საქმიანობის კოორდინაციის განყოფილების მესამე რანგის მეორე კატეგორიის უფროსი სპეციალისტი.

### ხაშურის მუნიციპალიტეტის მერია მერის ბრძანება

№ 58-პ/მ 28 / იანვარი / 2020 წ.

ხაშურის მუნიციპალიტეტის მერიის პირველადი სტრუქტურული ერთეულის ხელმძღვანელის თანამდებობაზე ოთარ მახარაშვილის დანიშვნის შესახებ

საქართველოს ორგანული კანონის "ადგილობრივი თვითმმართველობის კოდექსის" 61-ე მუხლის მე-3 პუნქტის „ა“ ქვეპუნქტის და 54-ე მუხლის პირველი პუნქტის „ა“ ქვეპუნქტის, „საჯარო სამსახურის შესახებ“, საქართველოს კანონის 43-ე მუხლის მესამე პუნქტის, ხაშურის მუნიციპალიტეტის საკრებულოს 2017 წლის 4 დეკემბრის 37 და 47 დადგენილებების და ხაშურის მუნიციპალიტეტის ადგილობრივი თვითმმართველობის მოხელეთა საკონკურსო კომისიის 2020 წლის 13 იანვრის 4 მომართვით წარმოდგენილი საკონკურსო კომისიის სხდომის 2020 წლის 13 იანვრის 20 ოქმის შესაბამისად,

ვ ბ რ ძ ა ნ ე ბ:

1. ხაშურის მუნიციპალიტეტის მერიის მუნიციპალიტეტის პირველადი სტრუქტურული ერთეულის ხელმძღვანელის თანამდებობაზე, 2020 წლის 28 იანვრიდან, დაინიშნოს ოთარ მახარაშვილი, ამასთან, იგი გათავისუფლდეს ხაშურის მუნიციპალიტეტის მერიის ხელმძღვანელის სამსახურის მესამე რანგის მესამე კატეგორიის უფროსი სპეციალისტის თანამდებობიდან;

- 3. ბრძანება ეცნობოს: ხაშურის მუნიციპალიტეტის მერიის ადმინისტრაციული, ხელმძღვანელობის და საბიუჯეტო სამსახურებს;
- 4. ბრძანება ძალაში შედის ხელმოწერისთანავე, შეიძლება გასაჩივრდეს დაინტერესებული პირის მიერ დადგენილი წესით ხაშურის რაიონულ სასამართლოში (ქ. ხაშური კოსტავას ქ. 15) ერთი თვის ვადაში.

მერი გიორგი გურასპაშვილი



ოთარ მახარაშვილი დაიბადა 1992 წელს. 2017 წელს დაამთავრა აღმოსავლეთ ევროპის უნივერსიტეტის სამართალმცოდნეობის ფაკულტეტი. მიიღო მაგისტრის ხარისხი. 2014-2016 წლებში საქმიანობდა არასამთავრობო ორგანიზაციაში "ახალგაზრდები ახალგაზრდობისა და მომავლისათვის". 2017 წლიდან დღემდე იყო მუნიციპალიტეტის მერიის ხელმძღვანელობის სამსახურის სპეციალისტი, შემდეგ კი-ამავე სამსახურის ხელმძღვანელის მოვალეობის შემსრულებელი.

## მიწის რეგისტრაციას საქართველოს მოქალაქეები კიდევ უფრო მარტივად შეძლებენ

მიწის რეგისტრაციის რეფორმა, რომელიც 2016 წელს დაიწყო, 2020 წლიდან უფრო გახდება, რაც მოსახლეობის მაღალი ინტერესით იყო განპირობებული. რეფორმის ფარგლებში მოქალაქეებისთვის უფასოა შემდეგი სერვისები: საჯარო რეესტრის მიერ სარეგისტრაციო წარმოების პროცესში დოკუმენტაციის მოძიება და სისტემატიზაცია; ნოტარიუსის მიერ გარიგებაზე მხარეთა ხელმოწერის დამოწმება; მიწის ნაკვეთზე უფლების აღიარება; ფაქტების კონსტატაცია; მიწის ნაკვეთზე საკუთრების უფლების პირველადი რეგისტრაცია; დაუზუსტებელი საკადასტრო მონაცემებით რეგისტრირებული მიწის ნაკვეთების დაზუსტება, სანოტარო მედიაცია.

როგორც საჯარო რეესტრის ეროვნულ სააგენტოს შიდა ქართლის რეგიონული ოფისის ხაშურის ფილიალში გვითხრეს:

-მიწის რეგისტრაციის რეფორმის ფარგლებში დადგენილი რეგისტრაციის გამარტივებული წესი, რომელიც 2020 წლის 1 იანვრამდე მოქმედებს, გახდება მიწაზე საკუთრების უფლების რეგისტრაციის ზოგადი წესი და იმოქმედებს უვადოდ. 2016 წლიდან დაწყებული, მიწის რეგისტრაციის რეფორმის განხორციელება მოქალაქეთა მხრიდან რეფორმის მიმართ მაღალი ინტერესითაა განპირობებული. რეფორმის ამოქმედების შემდეგ, მოქალაქეთა მიმართობის რეგისტრაციის ტემპი გაიზარდა, ხოლო მიწაზე საკუთრების უფლების რეგისტრაციის ტემპი - სამხე მეტჯერ. მოსახლეობის აქტიური ჩართულობა და რეფორმის ფარგლებში საჯარო რეესტრსა და მოქალაქეს შორის საფუძვლიან დავათა მცირე ოდენობა ადასტურებს, რომ 2016 წელს დაწყებული მიწის რეგისტრაციის რეფორმა წარმატებულია. 2016 წლიდან დღემდე წარმატებით დარეგისტრირდა 756 000-ზე მეტი განაცხადი, რაც დამოუკიდებლობის აღდგენიდან 2016 წლამდე დარეგისტრირებულ ფართობზე სამჯერ მეტია. სწორედ ამიტომ, აქამდე მოქმედი მიწის რეგისტრაციის გამარტივებული წესი გახდება ზოგადი წესი და იმოქმედებს უვადოდ.

მიწის რეგისტრაციის სახელმწიფო რეფორმის ფარგლებში შემუშავებული გამარტივებული წესის დანერგვა მიწის ნაკვეთებზე უფლებათა რეგისტრაციის პროცესის დასრულებას შეუწყობს ხელს. ეს, ერთი მხრივ, დაიცავს მესაკუთრეთა უფლებებს, მეორე მხრივ კი, დაეხმარება მთავრობას, შეიმუშაოს სოციალური პროექტები, წარმართოს მიწის ადმინისტრირებისა და მიწათსარგებლობის ეფექტიანი პოლიტიკა, რომელიც ხელს შეუწყობს უწყვეტ ეკონომიკურ ზრდას სოფლის მეურნეობისა და აგრობიზნესის სექტორებში.

რეგისტრაცია კვლავინდებურად იწარმოებს ორი სახით: სპორადული და სისტემური წესით.

როგორც სპორადული, ისე სისტემური რეგისტრაციის ფარგლებში:

ფართოვდება უფლების დამადასტურებელი დოკუმენტების ლეგალიზაციის საფუძველი. ეს იმას ნიშნავს, რომ დოკუმენტებით, რომლებითაც მიწის რეგისტრაცია დღეს შესაძლებელი არ არის, მოქალაქეები მიწის დარეგისტრირებას შეძლებენ. მაგალითად, მიღება-ჩაბარების აქტი ან მეზაღის წიგნაკი კანონმდებლობის მოთხოვნათა დაცვით შედგენილად ჩაითვლება, თუ მასში არ არის მითითებული დოკუმენტის გაცემის წელი;

კიდევ უფრო მარტივდება ფორმის დაუცველად დადებული გარიგებების საფუძველზე უფლებათა რეგისტრაციის წესი. შესაბამისად, ამგვარი გარიგების საფუძველზე მიწის რეგისტრაციას მეტი მოქალაქე შეძლებს. კერძოდ, რეგისტრაცია შესაძლებელი ხდება დოკუმენტის ასლის საფუძველზე, თუკი ასლი დაცულია ეროვნულ არქივში, საჯარო რეესტრში ან სხვა ადმინისტრაციული ორგანოს არქივში;

მარტივდება საკუთრების უფლების რეგისტრაცია საკარმიდამო მიწის ნაკვეთებზე. იმ შემთხვევაში, თუ საკარმიდამო მიწის ნაკვეთზე არ იძენება უფლების დამადასტურებელი დოკუმენტი, საკუთრების უფლების რეგისტრაცია შესაძლებელი იქნება მუნიციპალიტეტის მიერ გაცემული ცნობით - შესაძლებელი ხდება საკუთრების უფლების რეგისტრაცია იმ კომპლექსის (ოჯახების) მფლობელობაში არსებულ მიწის ნაკვეთებზე, რომლებიც აღრიცხულნი არიან საკომლო წიგნებში, მაგრამ საკომლო წიგნში მათი ქონებრივი მდგომარეობის შესახებ ინფორმაცია შევსებული არ არის. დღეს, ამგვარი მიწის რეგისტრაცია არ არის შესაძლებელი. ასეთი შემთხვევებისთვის კანონპროექტით დგინდება ფაქტობრივად დაკავებული მიწის ნაკვეთის მაქსიმალური ზღვრული ნორმა 0,75 ჰა, რაც, სხვადასხვა მუნიციპალიტეტის საკომლო წიგნების ანალიზის საფუძველზე, საოჯახო მეურნეობებისთვის გამოყოფილი მიწის ოდენობების საშუალო მაჩვენებელია.

გარდა ამისა, სისტემური რეგისტრაციის შემთხვევაში:

რეგიონს, სადაც სისტემური რეგისტრაცია განხორციელდება, განსაზღვრავს იუსტიციის მინისტრი საჭიროებისა და სახელმწიფო ინტერესიდან გამომდინარე;

აზომვითი სამუშაოების ზუსტად ჩატარების მიზნით, იმისათვის, რომ თითოეული მესაკუთრის უფლება სრულად იქნეს დაცული, პროექტის ფარგლებში საკადასტრო სამუშაოების ჩატარება შეეძლება მხოლოდ აკრედიტებული სუბიექტის მიერ სერტიფიცირებულ პირებს;

მიწის ნაკვეთის და მიწის ნაკვეთის საკადასტრო ნახაზზე ასახული მიწის ნაკვეთის იდენტიფიკაცია, ნაცვლად მუნიციპალიტეტის წარმომადგენლისა, დადგინდება სააგენტოს მიერ;

თვითნებურად დაკავებულ მიწაზე საკუთრების უფლებას სააგენტო

(დასასრული IV გვერდზე)

(დასასრული)

ალიარებს; სააგენტო საკუთრების უფლებას ალიარებს თვითნებურად დაკავებულ ისეთ სათიბ, სახნავ ან საკარმიდამო მიწის ნაკვეთებზეც, რომლებზეც განთავსებული არ არის შენობა-ნაგებობა ან ისინი არ წარმოადგენს საკუთრებაში არსებული მიწის ნაკვეთის მომიჯნავე მიწის ნაკვეთებს.

სპორადული რეგისტრაციის ფარგლებში: თუკი სარეგისტრაციოდ წარმოდგენილი მიწის ნაკვეთზე დაინტერესებული პირის უფლება ვერ დადასტურდება, საჯარო რეესტრი განსაზღვრავს, რამდენად ექვემდებარება საკუთრების უფლება ალიარებას და მხოლოდ დადებითი პასუხის შემთხვევაში გადაუგზავნის საქმეს მუნიციპალიტეტის საკუთრების უფლების ალიარების კომისიას, რაც განტვირთვას კომისიებს საქმეებისაგან და დაანქარებს განხილვის პროცესს;

იცვლება ალიარების კომისიების მიერ სააგენტოდან გადაგზავნილი საქმეების განხილვის ვადა და ის განისაზღვრება 3 თვით. პასუხის გაუცემლობა ჩაითვლება მოთხოვნის დაკმაყოფილებაზე უარის თქმად და გასაჩივრდება კანონმდებლობით დადგენილი წესით. ცვლილება მნიშვნელოვანია იმის გათვალისწინებით, რომ ალიარების კომისიაში საქმეების განხილვის ხანგრძლივობა და გაჭიანურება დღეს მოქმედი რეგულაციის ერთ-ერთი გამოწვევაა;

ფართოვდება მიწის მფლობელობის დამადასტურებელი დოკუმენტის

ცნება. მათ შორის, თუკი დღეს ასეთ დოკუმენტად მიიჩნევა ტექნიკური ინვენტარიზაციის არქივში აღრიცხული, 1994 წლამდე თვითნებურად დაკავებული მიწა, ახალი რეგულაციით ეს წესი გავრცელდება 2004 წლის 4 ოქტომბრამდე თვითნებურად დაკავებულ მიწებზე, რაც მიწის დაკანონებას გაუადვილებს მოქალაქეებს, რომლებიც მიწის ნაკვეთებს 1995 წლიდან ფლობენ.

აღსანიშნავია, რომ არც სპორადული და არც სისტემური რეგისტრაციის შემთხვევაში, 2021 წლის პირველ იანვრამდე მიწის დაკანონება არ მოახდენს გაელენას იმ ოჯახების სარეიტინგო ქულებზე, რომლებიც იღებენ სოციალურ დახმარებას და სარგებლობენ სხვადასხვა შეღავათებით. შესაბამისად, ასეთ ოჯახებს შეუნარჩუნდებათ სოციალური დახმარება და ყველა შეღავათი, რითაც მიწის რეგისტრაციამდე სარგებლობდნენ.

კანონის ფარგლებში, 2022 წლის 1 იანვრამდე დოკუმენტაციის მოძიება და სისტემატიზაცია, გარიგებაზე მხარეთა ხელმოწერების დამოწმება, სანოტარო მედიაცია, მიწის ნაკვეთზე საკუთრების უფლების ალიარება, ფაქტების კონსტატაცია უსასყიდლოდ, საზღაურის გარეშე შესრულება, ხოლო მიწის ნაკვეთზე საკუთრების უფლება და მასში ცვლილება სააგენტოს მიერ გაწეული მომსახურების საფასურის გადახდის გარეშე დარეგისტრირდება. ამასთან, სისტემური რეგისტრაციის ფარგლებში, 2022 წლის 1 იანვრამდე სამკვიდრო მოწმობის გაცემა უფასო იქნება.

### მიწის რეგისტრაციას საქართველოს მოქალაქეები კიდევ უფრო მარტივად შეძლებენ

### რა არის კორონავირუსი და როგორ ავირიდოთ ის?!

2020 წლის იანვრიდან მედია აქტიურად აშუქებს ჩინეთის სახალხო რესპუბლიკაში გავრცელებული ინფექციური დაავადების შესახებ, რომელიც „ახალი კორონა ვირუსის“ სახელით გახდა ცნობილი. ოფიციალური მონაცემებით, დაინფიცირებულთა რიცხვი 10 ათასს გასცდა, ხოლო გარდაცვლილთა რაოდენობა 300-ს აღწევს. ინფექციის ძირითადი კერა ქ. უხანია. სამწუხაროდ, ვირუსი გასცდა ჩინეთის საზღვრებს და გავრცელდა ტაილანდში, იაპონიაში, სამხრეთ კორეასა და აშშ-ში. მომხდარის გამო, ჩინეთის ორ ქალაქში კარანტინი გამოცხადდა. კორონავირუსის გამომწვევი მიზეზად კრევეტები, ქვეწარმავლები, დამურები და მსგავსი სახელებია, რომლებიც ფართოდ გამოიყენება ჩინურ სამზარეულოში.

„ახალი კორონა ვირუსის“ გამომწვევი ჩვეულებრივი გაციებისა და რესპირატორული სინდრომის ჯგუფში შემაჯავლი დაავადებაა, რომელიც უფრო ნაკლები გავრცელებით, თუმცა გაცილებით მაღალი სიკვდილიანობით ხასიათდება, ვიდრე დანარჩენი ორი. კორონა ვირუსის წყარო, საგარაუდოდ, დამურები, თხები და აქლემებია არიან. ინფექციის გავრცელების თვალსაზრისით, საფრთხეს წარმოადგენს დაინფიცირებული ან დაავადებული ადამიანიც. გამომდინარე იქიდან, რომ კორონა ვირუსი არ ვრცელდება „ფართო საზოგადოებაში“, ინფიცირებისათვის აუცილებელი პირობაა დაავადებულთან ხანგრძლივი და მჭიდრო კონტაქტი. გარდაცვლილთა შორის, ძირითადად, ხანშიშესულები და დაქვეითებული იმუნური სისტემის მქონე პირებია არიან.

კორონავირუსი იწვევს ფილტვების ანთებას (პნევმონიას), რომელიც შემდეგი სიმპტომებით გამოვლინდება: ხველა, მაღალი ტემპერატურა, სუნთქვის გაძნელება, ზოგადი საერთო სისუსტე. ანტივირუსული მეურნალობის ფონზე, აღნიშნული სიმპტომები უმჯობესდება, თუმცა საბოლოოდ გამოჯანმრთელება ადამიანის ორგანიზმზე დამოკიდებული. გამომდინარე იქიდან, რომ დაავადების გამომწვევი არის ვირუსი და არა ბაქტერია, ამ შემთხვევაში ანტიბიოტიკები უეფექტოა, ამიტომ თავი შეიკავეთ თვითნებურად მათი მიღებისაგან.

რაც შეეხება ჩვენს ქვეყანას, დაავადებათა კონტროლის ცენტრის მონაცემებით, საქართველო მოქმედებს ჯანმრთელობის საერთაშორისო წესების მიხედვით და ჯერჯერობით რამე ტიპის შეზღუდვა ცნობი-



ლი არ არის. უსაფრთხოების მიზნით, დაიცავით პირადი ჰიგიენის წესები ზედმიწევნით, ხშირად გაანიავეთ საცხოვრებელი და სამუშაო სივრცე, მოერიდეთ სურდოიან და სიცხიან ადამიანებთან კონტაქტს, ეცადეთ ატაროთ ერჯერადი სამედიცინო პირბადე, განსაკუთრებით საზოგადოებრივი თავშეყრის ადგილებში, საჭიროების შემთხვევაში დროულად მიმართეთ ექიმს. რაც ყველაზე მთავარია, გაიძლიერეთ იმუნური სისტემა, იკვებეთ სრულფასოვნად, იყავით ფიზიკურად აქტიური, დააკავდით სპორტით, დაიცავით ძილის სწორი რეჟიმი. ძლიერი ორგანიზმი მნიშვნელოვანი იარაღია ნებისმიერ დაავადებასთან ბრძოლაში. გისურვებთ ჯანმრთელობას!

მერი ჩიტაძე, ივანე ჯავახიშვილის სახელობის თბილისის სახელმწიფო უნივერსიტეტის მედიცინის ფაკულტეტის მე-5 კურსის სტუდენტი

### გამოფენა-კონკურსი ახადგაზრდებში ეკოლოგიური ცნობიერების ამაღლებას შეუწყობს ხელს

30 იანვარს, ხაშურის №1 საჯარო სკოლაში, გაიმართა გამოფენა-კონკურსი, სადაც წარმოდგენილი იყო ხაშურის ოთხი საჯარო სკოლის მოსწავლეების მიერ საყოფაცხოვრებო ნარჩენებისგან დამზადებული ხელნაკეთი სათამაშოები, აქსესუარები და სხვადასხვა დანიშნულების ნივთები. პროექტი მიზნად ისახავს მოსახლეობის ცნობიერების ამაღლებას გარემოს დაცვის საკითხებზე. პროექტი “ნარჩენების ეფექტიანი მართვა”, ხორციელდება საზოგადოება “ბილიკი“-ის მიერ კავკასიის გარემოსდაცვითი არასამთავრობო ორგანიზაციების ქსელის CENN/USAID WMTR II პროგრამის მხარდაჭერით.

ირმა კიტრიაშვილი, ორგანიზაცია CENN შიდა ქართლის კოორდინატორი:

– პროექტი “ნარჩენების ეფექტიანი მართვა” ხორციელდება საქართველოს მასშტაბით ოთხ რეგიონში, შიდა ქართლში, აჭარაში, თბილისსა და კახეთში. შიდა ქართლში ჩართული იყო 16 საჯარო სკოლა. ამ პროექტის ფარგლებში, გავეცით გრანტი, ორგანიზაცია “ბილიკი”, რომელმაც განახორციელა სხვადასხვა აქტივობები. დღევანდელ გამოფენა-კონკურსზე წარმოდგენილია ნარჩენებისგან შექმნილი სხვადასხვა დანიშნულების ნივთები. ასეთი ღონისძიებები სტიმულს მისცემს ადამიანებს, რომ დაეიცვათ გარემო და უკვე გამოყენებულ ნივთებს, სხვა სიცოცხლე მივანიჭოთ. წარმოდგენილია ოთხი სკოლა, თუკი შეაფასებს მოსწავლეების ნამუშევრებს, გამარჯვებულ მოსწავლეს გაემგზავრება ბაკურიანში ახალგაზრდულ ბანაკში. ამით პროექტი არ სრულდება. აქცენტი გაკეთებულია

მოსწავლეების ცნობიერების ამაღლებაზე. მინდა აღვნიშნო ის ფაქტიც, რომ ჩვენ შევედით საბავშვო ბაღებში, სადაც აღნიშნულ თემაზე ვახორციელებთ პატარების ცნობიერების ამაღლების კამპანიას.



(გაგრძელება. დასაწყისი იხ. „ბმ“2019 წ. #41,42,44,45,46,47, „ბმ“,2020 წ. #2,3)

ამავე ფაქტს ეხება ფარსადან გორგიჯანიძეც, მხოლოდ იმ განსხვავებით, რომ ამ ბრძოლას საკმაოდ დეტალურად აღწერს და ადგილმდებარეობასაც აკონკრეტებს. იგი ბრძოლის ადგილად ქვიშხეთს ასახელებს. „ბატონი თეიმურაზ გორით აიყარა და ქვიშხეთს მივიდა. როსტომ მეფე ერანის ლაშქრით ქალაქში შემოვიდა და ბატონის თეიმურაზის ულაშქრობა მეფეს როსტომს მოახსენეს. ქალაქით ორიათასი ცხენკეთილი კაცი დაარჩივს და ქვიშხეთს გაუძახეს, რომ ბატონს თეიმურაზს დაესხან. იმათაც შეეკრყო და ჯაღაბნი და ბარგი წინ გაესტუმრებინა და თვითან სახმარის კაცებით უკან ასდევნოდეს და მდევართაც ზოგთ ცხენები დავარდნოდათ, ცოტა ვინმე წამოსწოდნენ და ომს დარიდებოდნენ, უკან დავარდნილის კაცისა და ბარგისაგან ეშოვნათ, გორს მეფეს მორათვეს და ბატონი თეიმურაზ იმერეთს გადავიდა...“.

„პარიზის ქრონიკის“ ავტორიც ფარსადან გორგიჯანიძის ცნობას იმერეთს და ბრძოლის ადგილს ზოგადად ზემო ქართლს მიუთითებს. ბერი ეგნატაშვილი და ვახუშტი ბატონიშვილი კი იმის აღნიშვნით იფარგლებიან, რომ თეიმურაზი პერანგის მთის გადასასვლელით გადავიდა იმერეთში.

უნდა ვიფიქროთ, რომ სწორედ ამ მოვლენების შემდეგ შეაყენა როსტომ მეფემ სურამის ციხეში მცველებად ყიზილბაშები, რაც სამხედრო თვალსაზრისით მისი მდგომარეობის განმტკიცების ერთ-ერთი წინაპირობა უნდა ყოფილიყო ზემო ქართლში (როგორც ჩანს, თეიმურაზს საკმაოდ მომხრეები ჰყავდა ზემო ქართლში). ეს კი, თავისთავად ცხადია ირანის პოზიციების ქართლში განმტკიცებასაც ნიშნავდა.

თვით ფარსადან გორგიჯანიძეც გვერდს ვერ უვლის იმ ფაქტს, რომ როსტომის გამეფებას „ქართლის ყიზილბაშებით აგება“ მოჰყვა. ამის შემდეგ „იწყო ქართლის წესმან და რიგმან გარდაცვალება... გაძლიერდნენ თათარი და კადნიერებდნენ ქართველთა ზედა“ (178). ბევრმა ისეთმა წესმა მოიკიდა ფეხი საქართველოში, რომელიც მანამდე უცხო იყო ქართულ სინამდვილისათვის. ეს ხეობადა მანამდე არსებული ნებისმიერ ქართულ ტრადიციას, ზნე-ჩვეულებას. ამ დროს, ბერი ეგნატაშვილის თქმით, „შემოვიდა ზოგ-ზოგან ტყვის სყიდვა თავადთაგან და, რომელნიცა იყვნენ ობოლნი და ქურიზნი, გამოიყუანებდნენ, და გაჰყიდიან, და განმრავლდა ცოდვა“.

ასეთ ვითარებაში, მძიმე მდგომარეობაში აღმოჩნდა ქართული ეკლესია, იგივე ბერი ეგნატაშვილი აღნიშნავს: „...თვით სამღვდელთა და მღვდელთათაგანნიცა მიდრეკეს კეთილისაგან და აღერივნეს ერთა თანა... ამას შინა მოუძღურდა სჯული და განირყუნა წესი ეკლესიისა“.

ასეთვე მდგომარეობას ჰქონდა ადგილი სურამის მხარეშიც. მით უფრო, რომ ყველა მნიშვნელოვან ადგილას ყიზილბაშების გარნიზონები იდგა. ვახუშტი ბატონიშვილის „აღწერის“ ერთი ადგილის მიხედვით, რომელიც XVII საუკუნის დასასრულის ქართლის მდგომარეობას გვიხატავს, თითქმის ისეთივე მოვლენებს აქვთ ადგილი ამჟამადაც, რაზეც ზემოთ იყო საუბარი. ამ დროს ქართლში მეფობდა ერეკლე I (ნახარალიხანი, 1688-1701 წწ.), ისიც მაშადაიანი სარწმუნოების აღმსარებელი. მისი მეფობის პერიოდს ვახუშტი ასე ახასიათებს: „...იცვლებოდა ქცევა-ზნენი ქართლისანი და იქცეოდნენ უმეტეს ყიზილბაშთა ზნე-წესითა და ყოველთა უწესობითა ქრისტიანულისათა ცოდვითურთ“.

სურამის ციხეში ჩაყვრილი ყიზილბაშები ისე „გათამამებულნი იყვნენ“ რომ ახლომასხო ადგილებიდან ტყვეებს იტაცებდნენ და ჰყიდნენ: „ამა ჟამთა იპარავდიან სილადითა მცველნი ციხისანი, თათარი ტფილისისა, გორისა და სურამისა ტყუთა და ჰყიდიან...“ - წერს ვახუშტი ბატონიშვილი.

იგივე ფაქტი დასტურდება სხვა დოკუმენტური წყაროთიც, მხოლოდ იმ განსხვავებით, რომ ამ საქმეში, არა მარტო ყიზილბაშები, უკვე სურამის მხარის ზოგიერთი თავადიც ყოფილა ჩართული. „...შეერთდნენ ქართველთაცა სყიდვა ტყუთა“, - შენიშნავს ვახუშტი ბატონიშვილიც ქართველებში იმ დროს უკვე ფეხმოკიდებული მძიმე სენის შესახებ.

1692 წელს ივანე ჭურდაძე, როსაბ მაჭავარიანისადმი მიცემულ ნასყიდობის სიგელში აღნიშნავს, რომ ქაიხოსრო და თეიმურაზ ჩხეიძეებმა სურამის ციხეში თათრებს „ერთი თავისი ყმის შვილი მისცეს“, რომელიც შემდეგ გამოიპარა, ივანე ჭურდაძის დახმარებით ჯავახეთში გადავიდა და დაიძალა. როდესაც ეს ამბავი ცნობილი გახდა, ივანე ჭურდაძე ცოლ-შვილითა და მძიმე ყიზილბაშებმა სურამის ციხეში დააბრუნვეს, რომელიც შემდეგ როსაბ მაჭავარიანმა დაიხსნა. ამის სანაცვლოდ, ივანე ჭურდაძე იძულებულად, მაჭავარიანს ეყმოს „ყოფლის კაცის უცილობლად“.

„...ესე ნასყიდობის წიგნი და სიგელი მოკართვით ჩვენ, ჭურდაძე ივანემ და შვილმან და მამავალმან სახლისა ჩემისამან თქვენ, ბატონს ჩვენ მაჭავარიანს როსაბს, შვილსა თქვენსა ინანასა და რამაზს, ასე რომ ჩხეიძე ქაიხოსრომ და თეიმურაზს, სურამის ციხე თათრებს ეჭირა და მეციხოვნად იდგნენ, იმ ციხის თათრებს ერთი თავისი ყმის შვილი მისცეს. ყვანდათ. ის ტყვე გამოპარვით, ჩემ სახლში მოსულიყო, მოვედი და ვნახე, ვეღარ ვულაღატე. მორედ ვეღარ გავედი, ნათესავიც იყო, დაეძალე და ჯავახეთს წავიყვანე. მეხუთეს წელიწადს მთხრობელი მოსლოდათ: ივანემ და პაპუნამ ჭურდაძეებმა მოიყვანეს. გამამანდა ის ტყვე, ვეღარსად დავეძალე. ამიყვანეს ცოლით, შვილით, ორნი ძმანი მამულით და ალაგით... საზღაური რომ ვერ შევიძელით, ციხეში ვყვანდით დატყვევებული. წავედით, ისევე ჩვენს ბატონს შევხვებუვით როსაბ მაჭავარიანს - „მანც ძველთაგანაც პაპი-თქვენის წყალობელი ვიყავით ხელმწიფისაგან...“ ჩემი თავი თქვენ გამოიხსენით... გამოგვიხსენით ორნი ძმანი ცოლითა, შვილითა, მამულითა და ალაგითა, შესავლითა და გასავლითა, რისაც მქონე ვიყავით, ჩემი თავი თქვენთვის მამირთმეფია ყოველის კაცის უცილობლათ...“.

ქართლში ერეკლე I-ის გამაფებას, თავდაპირველად, გიორგი X არ შერიგებია, იგი იმერეთში გადავიდა და ცდილობდა ტახტის დაბრუნებას. ერთი პერიოდი ქართლში ისეთი სიტუაცია შეიქმნა, როცა თბილისში შაჰის მიერ ხელდასმული ერეკლე I იჯდა, ხოლო ქართლს რეალურად გიორგი X განაგებდა. ირანის ტახტზე შაჰ - სულთან ჰუსეინის ასელის შემდეგ მდგომარეობა შეიცვალა და გიორგი კვლავ იძულებული ხდება იმერეთში გადავიდეს.

ამ დროს მან „...ბატონიშვილი გიორგი (უნდა იყოს ქაიხოსრო-თ.დ.), ვახტანგ და რძალი (რუსუდანი - თ.დ.) გაგზავნა ჩხეიძის ქაიხოსროს სახლში, ვითაც ერთგული იყო და შვილი ქაიხოსროსი თეიმურაზ ისპაანს ბატონიშვილს ლევანს შერწოშოდა და ერეკლე მეფეს არ გამოჰყოლოდა“.

ჩხეიძეები სურამთან ახლოს, იტრიაში, სახლობდნენ. ერეკლე I იწყინა ჩხეიძეთა საქციელი. „რა ჩხეიძეს მეფის ერეკლეს წყრომა მოუვიდა, ვეღარც ბატონიშვილები დადგნენ, აიყარნენ, წაუძღვა სენია (ჩხეიძე-თ.დ.) ერთ-პირად მოყვარე იყო აბაშიძე გიორგი, ციხე ჰქონდა მაგარი, ხარაგეულს დააყენა ბატონიშვილი ვახტანგი, რძალი მეფისა რუსუდანი, ბატონი თინათინ ქვავს დააყ-

ენა, დადგა ბატონიშვილი ქაიხოსრო წიფას“.

ირანის შაჰის დამოკიდებულება გიორგი X-ის მიმართ საგრძნობლად შეიცვალა XVII საუკუნის 90-იანი წლების მეორე ნახევრიდან, როცა გიორგი მის სამსახურში ჩაღვა. მოგვიანებით, 1703 წელს შაჰმა მასვე დაუბრუნა ქართლი. 1701 წელს, ირანის შაჰმა სულთან ჰუსეინმა თავისთან დაიბარა გიორგის ძმა - ლევან ბატონიშვილი. შაჰმა კარგად მიიღო ქართველი ბატონიშვილი. იგი ისპაანში მისვლისთანავე უნახავს შაჰს, „დახუდა მხიარულის პირითა ... დაჯდა ნადიმად და შექმნა სამხიარულო...“ და უბოძა ირანის მდივანბეგობა. რამდენიმე ხნის შემდეგ, ლევანმა შაჰს მოახსენა: „შვილი ჩემი შენი ყულიაო, სხვის საბატონოში პურს რატომ ითხოვედესო, მიყავ წყალობა და რაც ქართლში საუფლისწულო მქონია, მიბოძეო“.

ვახუშტი ბატონიშვილის მიხედვით, გიორგი მეფემ ლევანის გამო თხოვა შაჰს: „რამეთუ მწირი არს ძე ჩუენი ვახტანგ იმერეთს და, უკეთუ არარაი ყოს შეწვენა ჩუენ მიერ, წარვალს იგი რუსეთს და ამისთვის ჩვენ უვნო ვიყვნეთ წინაშე შენსა“. შაჰმა შეიწყნარა ლევანის (გიორგის) თხოვნა და ერეკლე I-ს უბრძანა ვახტანგის ქართლში მოყვანა და მამამისის კუთვნილი საუფლისწულო მამულების დაბრუნება.

„მხმენელმან ვაენმან მსწრაფ მოუწერა ერეკლე მეფესა, რათა მოიყვანოს ვახტანგ ქართლსადამი სცეს ყოველნი საუფელსწულონი მამისა თვისისა ლევანისა“. ცხადია, ერეკლე მეფე-დადათუ არა მნებელი ამის, ვერ ურჩევს ექმნებოდა ყვენსა“ და ვახტანგთან წარაელინა კათალიკოზი ევედმოზი და სპასკეტი ლუარსაბი. ამ დროს დაბრუნდნენ ვახტანგის მიერ რუსეთში გაგზავნილი ზალია შანშიაშვილი და არჩილ მეფის შათირი მამუკა. ვახტანგი „განეზრახა იმერთა წარჩინებულთა“, წავიდეს რუსეთს თუ ქართლს. იმერეთის წარჩინებულებმა ვახტანგს ქართლში წასვლა ურჩიეს. ვახტანგი ალში გადმოვიდა, აქ შეხვდნენ ერეკლე მეფის წარუხანილები, „შემოჰპიცეს კათალიკოზმან და ლუარსაბ უნებლობისათვის“ და ჩავიდა თბილისში. ვახტანგი ერეკლე მეფემ კარგად მიიღო და აცნობა შაჰის გადაწყვეტილება.

ამის შემდეგ, ვახუშტი ბატონიშვილის ცნობით, „...მოვიდა სურამს ვახტანგ და მოიყვანა ცოლი და ძენი თვისნი და სახლებელნი და იყოფებოდა ოდესმე ნახარ - აღიხანისა თანა ხოლო რა ჟამს ეუფლა ვახტანგ მამულსა თვისსა, მოსცა აბაშიძემ ხეფინის ხევი: „ვინაიდეგან მკვიდრი თქუენი არის“.

სენია ჩხეიძის მიხედვით, ვახტანგი ხარაგეულიდან, რუსუდანთან და ბატონთან ერთად, უშუალოდ სურამში გადმოვიდა. ამ შემთხვევაშიც შაჰმა წერილი (რაცაძი) მოწერა ერეკლე მეფეს, რომელმაც „ისმინა ბრძანება ხელმწიფისა, აახლეს კაცი ბატონიშვილი ვახტანგს. იქვე იმერთს ხარაგეულს ექნა ქორწილი ჩერქეზის ბატონის ასულს რუსუდანიზედა და ესვა ძე ერთი ბაქარ, გადმოვიდა სურამს, შეექნათ მათ ერთგულთა სიხარული და ორგულთა წყენა“.

ვახტანგი ამ დროს უნდა დაუფლებოდა სურამის ციხეს, რომელიც ამ დროს „ძლიერკოშკითა“ შორის მოიხსენიება.

აღსანიშნავია ის ფაქტი, რომ 1701 წელს, როდესაც ვახტანგ ბატონიშვილი სურამში - მამამისის საუფლისწულო მამულში დადგა, შემოიკრიბა თავისთან საუკეთესო მწერალ-მწიგნობარნი და დიდი სამეცნიერო და კულტურული მუშაობა გააჩადა. სულხან-საბასთან ერთად შეადგინა დასტურლამალი, სამართლის წიგნი. შეკრიბა სიგელ-გუჯრები, ქართლის ცხოვრების ხელნაწერები და ნუსხები, შექმნა „სწავლულ კაცთა კომისია“, რომელსაც ბერი ეგნატაშვილი ჩაუყენა სათავეში. კომისიამ შედგენა დიდი ხარვეზი ქართულ ისტორიოგრაფიაში და შეადგინა „ახალი ქართლის ცხოვრება“. ვახტანგის საქმიანობა, ქართული მეცნიერებისა და კულტურის აღორძინების ხანის დასაწყისად უნდა მივიჩნიოთ, რასაც ადგილი ჰქონდა XVIII საუკუნის I მეოთხედში. ეს კი მეტად მნიშვნელოვან ფაქტს წარმოადგენს სურამის კულტურული ცხოვრების ისტორიისათვის.

ამრიგად, XVIII საუკუნის დასაწყისიდან, სურამის ციხე ქართველებმა დაიბრუნეს, თუმცა ორი ათეული წლის შემდეგ იგი ახალი დამპყრობლის ხელში აღმოჩნდა.

გვიანფეოდალურ ხანაში, ჯერ ქართლის, ხოლო შემდეგ ქართლ-კახეთის გაერთიანებული სამეფოს პოლიტიკურ ცხოვრებაში სურამის ციხის მნიშვნელობა და როლი თვალსაჩინოა. ამაზე ლაპარაკობს არაერთი ქართული თუ უცხოური წყარო და დოკუმენტი.

XVIII საუკუნის 20-იანი წლები განსაკუთრებით მძიმე აღმოჩნდა ქართლის სამეფოსათვის. ქვეყანაში შექმნილი მდგომარეობით ისარგებლეს ოსმალებმა და 1723 წელს თბილისი დაიპყრეს. აქედან ჯარი გაგზავნეს ქართლში და ადვილად დაიჭირეს გორი და სურამი.

ვახტანგ VI, 1724 წელს, იძულებული გახდა, რუსეთში წასულიყო. ოსმალებმა ქართლის სამეფო ვახტანგის ძმას - იესეს მისცეს სამართავად. მანამდეც, სანამ ოსმალები დაიპყრობდნენ ქართლს, ირანის მიერ ვახტანგის მაგივრად სამეფო ტახტზე იესე იყო დასმული.

ქართლის დიდებულთა ერთი ნაწილი არ ურიგდებოდა ოსმალების დამკვიდრებას ქართლში და მათ წინააღმდეგ იბრძოდა. მაგრამ იესეს წყალობით, რომელიც „შეიქმნა ოსმალოს რჯულის და დაარქვეს მუსტაფა“, ისინი ამ ბრძოლაში დამარცხდნენ და 1725 წლისათვის ოსმალებმა უკვე მთლიანად „დაიპყრეს ყოველი ქართლი“. როგორც ზემოთ ითქვა, ქართლის სხვა ციხეებთან ერთად, სურამის ციხეც ოსმალებმა დაიკავეს და აქ თავიანთი გარნიზონი ჩააყენეს. ასეთი მდგომარეობა გრძელდებოდა ერთი ათეული წელი.

ქართლის სამეფოს ცხოვრებაში დაიწყო პერიოდი, რომელიც „ოსმალბის“ სახელწოდებით არის ცნობილი. იგი თითქმის ათი წელი გრძელდებოდა და თავისი შედეგებით მეტად მძიმე აღმოჩნდა ქვეყნისათვის. იესეს გარდაცვალების შემდეგ, 1728 წელს, ისაყ ფაშამ ქართლი მცირე საგამებლოებად „განაწყო“, „სომხით-საბარათიანო მისცა ერასტი ყაფლანიშვილს, მცხეთას ზეით-ბაგრატ ციციშვილს, ზემო ქართლი - გივი ამილახორს, მუხრანი და საერისთონი - მათთავე მთავართა“. ოსმალები ფიქრობდნენ, რომ ასე უფრო გაუადვილებოდათ ქვეყნის მართვა, ოსმალური მმართველობის დამკვიდრება.

ქვეყანაში მძიმე, აუტანელი სიტუაცია სუფევდა. ვახუშტი ბატონიშვილის თქმით, „კუალად უკეთუ ავნის ვინმე ოსმალთა, ჩამოარჩენიან ანძასა და გარდასხდვიან ვერცხელი დიდძალი“.

თამაზ ლაცაბიძე

# საქართველოს კალათბურთის ფედერაცია:- მადლობა ხაშურს და ხაშურელებს ასეთი საოცარი მასპინძლობისთვის...

(დასასრული)

სპორტული ცხოვრება. ახალგაზრდა თაობა სპორტის თერთმეტ სახეობაში ვარჯიშობს და პირობები მართლაც იდეალური აქვთ. რაც შეეხება საკალათბურთო დარბაზს უმაღლესი დონისაა და ეს ყველა ვარსკვლავის მატჩმაც დაადასტურა. ამ სასპორტო კომპლექსის აგება, მუნიციპალიტეტის დღევანდელი მერიის გიორგი გურასპაშვილის წინასწარჩევი პროგრამაში იყო და სიმართლე



ითქვას, ბევრი ამ დაპირებას სკეპტიკურად უყურებდა. თუმცა, მის სასახელოდ უნდა ითქვას, რომ მან მართლაც შეუძლებელი შეძლო და მისი და მთელი მერიის აქტიურობით ოცნება რეალობად იქცა.

მაშ ასე, 29 იანვარი, ხაშურის სასპორტო კომპლექსი. მიუხედავად იმისა, რომ ყველა ვარსკვლავის შოუ 18 საათზე იყო ჩანიშნული, საათნახევრით ადრე, დარბაზი უკვე სავსე იყო. ვიდრე უშუალოდ შოუს პერიპეტეიბზე გადავიდოდეთ, ინფორმაციისთვის იმასაც მოგახსენებთ, რომ ყველა ვარსკვლავის მატჩ-აქციის ორგანიზატორი იყო საქართველოს კალათბურთის ეროვნული ფედერაცია, ხოლო მხარდამჭერები – განათლების, მეცნიერების, კულტურისა და სპორტის სამინისტრო, შიდა ქართლის რეგიონული კალათბურთის ფედერაცია და, რა თქმა უნდა, სასპორტო კომპლექსის ადმინისტრაცია და მუნიციპალიტეტის მერია. დაგვეთანხმდით, რომ ასეთი მნიშვნელოვანი მოვლენის ორგანიზება იოლი არაა და კომპლექსის ადმინისტრაციამაც და მერიამაც ყველაფერი გააკეთეს, რომ რაიმე ხარვეზს ადგილი არ ჰქონოდა. გამოუვიდათ კიდევ და დიდებულადაც.

ახლა კი უშუალოდ შოუს შესახებ. ALL STAR-ისათვის მონაწილეები სუპერლიგის ვებ-გვერდზე მიმდინარე გამოკითხვის შედეგად შეირჩნენ. სათადარიგოები კი მწვრთნელებმა დაასახელეს. ადგილობრივი მოთამაშეების გუნდს „ბათუმის“ მთავარი მწვრთნელი გია კახანჯიანი უძღვებოდა, ლეგიონერებისას კი „დინამოს“ მთავარი მწვრთნელი – მუჰამედ ტანი. საბოლოოდ შემადგენლობები ასე დაკომპლექტდა: ადგილობრივები – ლუკა ზაქარიაძე (თსუ), სანდრო სანაძე (ბათუმი), გიორგი კორსანტია (თსუ), ალექსანდრე ფევაძე (ბათუმი), გიორგი ტურძილაძე (თსუ), სათადარიგოები: ბექა ბექაური (ქუთაისი), რევაზ ჩაჩანიძე (დინამო), აკაკი დვალისვილი ((რუსთავი), ლუკა ბულაშვილი (დინამო), საბა ლობჯანიძე (რუსთავი), ნიკა დარბაიძე (ოლიმპი), გიორგი ვახანია (ვერა). ლეგიონერები, სასტარტო ხუთეული: ჯორჯე მილოსავლევიჩი (თსუ), დევიდ მაკფარლანდი (თსუ), დენზელ ლივინგსტონი (რუსთავი), ნიკოლა ტაღინი (რუსთავი), მილოშ პაიოვიჩი (ქუთაისი). სათადარიგოები: ტაილერ უილიამსი (დინამო), კევინ ობრაიენი (დინამო), კოლინ მაღკოლმი (ბათუმი) ჯეიმზ მილიკენი (ქუთაისი), შონ რაუნდრთი (ქუთაისი), კორი სპენსი ((ტიტები), ლუკ

ყველა ვარსკვლავის მატჩში მონაწილეობდნენ საქართველოს ჩირლიდერ გოგონათა ნაკრები, რომლებმაც მაყურებლებს წუთშესვენებაზე არაერთი ლამაზი ნომერი შესთავაზეს. გახსნის ცერემონიაში მონაწილეობა მიიღო ქორეოგრაფიულმა ანსამბლმა „ფრესკა“. დარბაზში იმყოფებოდნენ საქართველოს ნაკრებისა და ქართული კალათბურთის მხარდამჭერი მასკოტები – ლომი „ჯეო“ და მისი ოჯახის წევრები. სადამო კი დიდებულად მიჰყავდათ ლაშა მიქაუტაძეს და სოფო საუინიანს.

მაშ ასე, 18 საათი, საქართველოს პიშნის თანხლებით, ეროვნული ნაკრების ყოფილმა კაპიტანმა მანუჩარ მარკოიშვილმა და მერიის განათლების, კულტურისა და სპორტის სამსახურის განყოფილების უფროსმა ბესო განჩილაძემ ქართული დროშა აღმართეს და დაიწყო უღამაზესი სანახაობა, ნამდვილი შოუ, რომელიც მთლიანად იყო გაჯერებული ისეთი ელემენტებით, რის გამოც ასე უყვართ კალათბურთი მთელ მსოფლიოში-სამქულიანების კასკადი, წარმოუდგენლად ლამაზი ჩატენვები, დახვეწილი კომბინაციები. ბუნებრივია, ასეთ დროს დაცვას ნაკლები ყურადღება ექცევა, ან ვის ჭირდება დაცვა, როდესაც სანახაობა პირველ პლანზე, ამიტომაც არაა ანგარიში გასაკვირი-128-115-ქართველი მოთამაშეების სასარგებლოდ. მატჩის MVP-ის პრიზი, საბოლოოდ, გიორგი კორსანტიას გადაეცა, რომელმაც 23 წუთში 27 ქულა, 14 მოხსნა და 4 პასი მოაგროვა.

შოუს გვირგვინი სამქულიანებისა და ჩატენვების კონკურსი გახდა. სამქულიანებში, პერიმეტრის 5 სხვადასხვა წერტილიდან, 5-5 ბურთს ისროდნენ.



25 სროლისათვის მონაწილეებს 1 წუთი ეძლეოდათ. სუპერლიგის 6 საუკეთესო სნაიპერი იბრძოდა პირველობისათვის და საუკეთესო შედეგი შონ რაუნდორიმ დააფიქსირა-19 ქულა(თითოეული ჩაგდებული 1 ქულად ფასდებოდა, ხოლო ყოველი წერტილიდან სასროლი ბოლო, მე-5 ბურთი-2 ქულად)

ჩატენვების კონკურსი, როგორც ყველა დამსწრემ თუ ვებტერანმა კალათბურთელმა აღნიშნა, ერთ-ერთი ყველაზე შთამბეჭდავი იყო ქართული ALL STAR-ების ისტორიაში. წარმოდგინეთ, გამარჯვებული დევიდ მაკფარლანდი, სამ ორმეტრიან კალათბურთელს გადაეგლო თავზე და ისე ჩატენა ბურთი. ეს იმდენად შთამბეჭდავი სანახაობა იყო, რომ ოვაციები დიდხანს არ წყდებოდა.

დასრულდა სადამო, დასრულდა ფოიერვერკების ფონზე, თუმცა აღფრთოვანებული მაყურებელი დიდხანს არ ტოვებდა დარბაზს და არც ოვაციები წყდებოდა.

ბაატა გურასპაული – კალათბურთის ეროვნული ფედერაციის პრეზიდენტი: –მადლობა, ხაშურს, მადლობა ხაშურელებს ამ საოცარი მასპინძლობისთვის. ვფიქრობ, ჩვენმა ჩანაფიქრმა გაამართლა. რა თქმა უნდა, გვქონდა ერთგვარი შიში, როდესაც ასეთი მატჩის რეგიონში ჩატარება გადავწყვიტეთ, მაგრამ ხაშურის მაგალითმა გვანგებდა, რომ შიში უსაფუძვლო ყოფილა. თუ აქამდე მსგავსი მატჩები მხოლოდ თბილისში და ქუთაისში ტარდებოდა, მომავალში, აუცილებლად რეგიონებში ჩატარდება, რაც კალათბურთის პოპულარიზაციას და მეტ ჩართულობას მოემსახურება. კიდევ ერთხელ მადლობა ხაშურს და ხაშურელებს.

გივი ბიჭიაშვილი, ვებტერანი კალათბურთელი: –თამამად შემიძლია გითხრა, რომ წლევანდელი ALL STAR საუკეთესო იყო ქართული კალათბურთის ისტორიაში. ბრავო, ხაშურელებო!

გიორგი გურასპაშვილი, ხაშურის მუნიციპალიტეტის მერი: – ვფიქრობ, ხაშურმა დაამტკიცა, რომ ასეთი მაღალი დონის მატჩების მასპინძლობა თავისუფლად შეუძლია. სულ რამდენიმე თვე და ხაშურს მეორე მნიშვნელოვანი სპორტული ობიექტი-“ივერიის” სტადიონი შეემატება, რაც კიდევ უფრო გაზრდის სპორტულ მიღწევებს. რაც შეეხება დღევანდელ სადამოს, მართლაც დიდებული გამოვიდა და ძალიან მიხარია, რომ ქართული კალათბურთის რუკაზე ხაშური დიდი ასობით შემოიხაზა.

ჩვენც გვჯერა, რომ ხაშური, მომავალში, არაერთ მნიშვნელოვან სპორტულ მოვლენას უმასპინძლებს და ამის საწინდარი 29 იანვრის ALL STAR-ია.

გ. გოგალაძე



მეიერი (ტიტები).

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. P-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.